

SPE ANJUR SEMINAR PENGURUSAN FRANCAIS 2013

Oleh: Norsidah Roslan

SABTU, 27 APRIL - Pelajar tahun dua, program Keusahawanan (HE04), Sekolah Perniagaan dan Ekonomi (SPE) telah mengadakan Seminar Pengurusan Francais yang bertempat di Dewan Auditorium, Perpustakaan Universiti Malaysia Sabah (UMS). Seminar yang dihadiri 140

orang peserta ini merupakan anjuran Unit Penyelidikan dan Pembangunan Keusahawanan (UPPK) dan Pusat Pembangunan Keusahawanan Pelajar (PPKP) dengan kerjasama Perbadanan Nasional Berhad (PNS), Cosway Sdn. Bhd, Perodua, Coffee Bean Tea Leaf dan juga Sunshine Master Care Sdn. Bhd.

Menurut pengarah program, Mohamad Khairi Ngadiran, seminar ini bertujuan untuk memberi pendedahan kepada pelajar tentang perindustrian francais di Malaysia di mana ia boleh menjadi 'batu loncatan' kepada pelajar untuk menceburi bidang francais.

Seminar yang terbuka kepada seluruh warga UMS ini diharap mampu dijalankan dengan lebih kerap bagi memupuk minat dan memberi pendedahan kepada mahasiswa tentang dunia perniagaan francais.

Antara penceramah lain yang hadir ialah Mohd Nadzier Khan B Maruff (PNS), Kamarul Ariffin Bin Mohamad dari Kementerian Perdagangan Dalam Negeri, Koperasi dan Kepenggunaan (KPDNKK), Michael Ng (Cosway), Awang Salihin (Perodua) dan Noverry Mareie J.S. Benggon (Coffee Bean Tea Leaf). Organisasi ini dipilih berdasarkan kepada organisasi yang terlibat

dalam perniagaan francais.

Pihak penganjur turut menjemput Sunshine Master Care Sdn. Bhd yang merupakan perniagaan francais Taska dan Tadika yang berjaya di Sabah. Pengarah Pengurusan Sunshine Master Care, Datin Rahimah Ahmad Quadra berkata, perniagaan francais yang mereka jalankan adalah pusat Taska dan Tadika yang pertama di Sabah yang menjadi perniagaan francais. Perniagaan yang dijalankan sejak 10 tahun ini telah memiliki beberapa cawangan antaranya di Sembulan, Keningau, Sepanggar dan Tamparuli.